

**Resolución reitoral pola que se convocan  
axudas de investigación da Cátedra  
Feminismos 4.0 DEPO-UVIGO  
correspondente ao ano 2023**

A Universidade de Vigo fai pública unha convocatoria de axudas ao financiamento de proxectos de investigación realizados por grupos de investigación dos campus de Pontevedra e Vigo, durante o período comprendido entre a data de resolución de concesión e o 25 de outubro de 2023, co obxectivo de promover e potenciar a investigación no ámbito da cultura e da sociedade dixital en estudos feministas ou estudos de xénero.

Ademais, esta convocatoria quere contribuír a reducir o desequilibrio entre mulleres e homes dedicados á investigación no sistema universitario de Galicia, en cumprimento do compromiso de eliminación de discriminacións entre mulleres e homes que recolle o artigo 1 do Decreto lexislativo 2/2015, de 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade. Por iso, as axudas que se regulan nesta convocatoria terán en consideración o peso relativo das mulleres nas propostas presentadas, de xeito que se potencie o seu número e a calidade do seu traballo.

En virtude das facultades outorgadas pola Lei Orgánica 2/2023, de 22 de marzo, do sistema universitario, e o artigo 29 do Decreto 13/2019, do 24 de xaneiro, polo que se aproban os estatutos desta Universidade,

**ESTA REITORÍA RESOLVE:**

1. Convocar axudas á investigación dentro da Cátedra Feminismos 4.0 DEPO-UVigo, en réxime de concorrencia competitiva, que serán xestionadas de acordo coas bases reguladoras que figuran no Anexo I.
2. Ordenar a publicación desta convocatoria e as bases que a regulan no taboleiro de anuncios da sede electrónica da Universidade de Vigo (<https://sede.uvigo.gal/public/bulletin/bulletin-index.xhtml>)

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados a partir

do día seguinte a publicarse, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na Lei 39/2015, de 1 de outubro, do procedemento administrativo común das administracións públicas.

Vigo, a data da sinatura electrónica

O reitor

---

## ANEXO I

### BASES QUE REGULAN A CONVOCATORIA DE AXUDAS DE INVESTIGACIÓN DA CÁTEDRA FEMINISMOS 4.0 DEPO-UVIGO

#### 1. OBXECTIVOS:

Promocionar e subvencionar a realización de proxectos de investigación.

As propostas que se presenten poderán versar sobre o estudo de forma xenérica sobre temas e perspectivas epistemolóxicas e metodolóxicas feministas sobre a cultura e a sociedade dixital en torno aos contidos abordados nas titulacións impartidas nos campus de Pontevedra ou Vigo e debe concretarse nos seguintes temas:

- A. Deseño de aplicacións, algoritmos, *software*, videoxogos, *chatbots*, *blockchain* ou *big data* con perspectiva de xénero ou feminista.
- B. Cibersororidade.
- C. Analítica dixital e implicacións éticas da intelixencia artificial.
- D. O androcentrismo dos algoritmos: a perspectiva de xénero na *web*.
- E. Os imaxinarios de xénero: o universo simbólico da rede.
- F. Pensar en e para internet con perspectiva de xénero.
- G. O xénero nas redes sociais.
- H. *Network* feministas. Ciberactivismos feministas.
- I. Violencias de xénero na rede: ciberacoso, *grooming*, *sexting*, *solliciting*, sextorsión etc.
- J. Arqueoloxía dixital feminista.
- K. Agronomía dixital feminista.
- L. Arte e deseño dixital: implicacións cognitivas.
- M. O xénero nas redes sociais: identidades e xénero.
- N. O sexismo das redes sociais e das TRIC (tecnoloxías da relación, a información e a comunicación).
- O. *Hacker* ético e feminista

- P. Historia das científicas, das programadoras e das *geekgirls*.
- Q. O feminismo na rede.
- R. As mulleres nas STEM.
- S. Análise de datos sociais nas redes.
- T. Outras liñas de investigación e innovación.

## REQUISITOS:

Poderán solicitar axudas de investigación as persoas que cumpran os seguintes requisitos:

- Grupos de investigación rexistrados na Oficina de I+D que contén cun/ha profesor/a doutor/a a tempo completo como investigador/a principal, con vinculación laboral á Universidade de Vigo durante o período de execución do proxecto de investigación, sendo o seu destino algún dos campus universitarios da Universidade de Vigo situados na provincia de Pontevedra.
- Grupos que contén cun/ha investigador/a doutor/a contratado/a a tempo completo na Universidade de Vigo como investigador/a principal, con vinculación laboral á Universidade de Vigo durante o período de execución do proxecto de investigación, sendo o seu destino algún dos campus universitarios da Universidade de Vigo situados na provincia de Pontevedra.
- Investigadoras e investigadores doutores con adscrición a un grupo de investigación da UVigo e que acrediten vinculación laboral coa Universidade de Vigo durante o período de execución do proxecto de investigación, sendo o seu destino algún dos campus universitarios da UVigo situados na provincia de Pontevedra.

## 2. DOTACIÓN

As axudas que se conceden nesta convocatoria deben considerarse destinadas a financiar o proxecto de investigación do grupo no período de tempo comprendido entre a data da resolución da concesión e o 25 de outubro de 2023, ao que se denomina período de execución do proxecto de investigación. O importe da subvención librarase nunha única anualidade. O total da subvención destinada a este fin é dun máximo de 30 000 euros. Este financiamento é froito do Convenio de creación da Cátedra Feminismos 4.0 DEPO-

UVIGO coa Deputación de Pontevedra con cargo á seguinte aplicación orzamentaria: 20230000131H64702: Proxectos de investigación financiados por outros organismos.

A contía das subvencións determinarase pola Comisión de avaliación da Cátedra de Feminismos 4.0 DEPO-UVigo, sendo como máximo de 6 000 € por cada proxecto de investigación.

As subvencións concedidas deberanse referir exclusivamente a algúns dos seguintes conceptos:

- **Material funxible: 15 % do total.** Non se admitirá neste concepto a compra de *software*, *hardware* ou elementos externos de informática de ningún tipo.
- **Outros gastos xustificables: axudas de custo, viaxes, colaboracións externas e outros gastos xustificables en relación aos obxectivos do proxecto de investigación que non contempla a compra de material inventariable: 85 % do total.**

### **3. COMPATIBILIDADES**

Estas axudas serán compatibles con calquera outra subvención ou axuda para a mesma finalidade procedente de calquera outra administración ou de entes públicos ou privados, nacionais, da Unión Europea ou de organismos internacionais.

### **4. PRESENTACIÓN DE SOLICITUDES E DOCUMENTACIÓN.**

As solicitudes presentadas dirixiranse á **Unidade de Igualdade** da Universidade de Vigo e deberán cubrir os formularios anexos e presentalo debidamente asinado nos rexistros da Universidade ou por calquera dos medios previstos na Lei 39/2015, do 1 de outubro, do procedemento administrativo común das administracións públicas. **O prazo de presentación será de 10 días hábiles contados dende o día seguinte ao da publicación desta convocatoria.**

A documentación que se debe presentar é a seguinte:

- Solicitude de subvención na forma que establece o formulario normalizado sinalado.
- Memoria do proxecto de investigación.
- Currículum vitae de todas as e os integrantes do grupo que participen no proxecto, de ser o caso.

Tamén se lles poderá requirir que acheguen outra documentación que a comisión estime necesaria para a concesión da axuda.

## 5. SELECCIÓN E RESOLUCIÓN

A Unidade de Igualdade logo de rematar o prazo de presentación de solicitudes e unha vez examinadas estas e a documentación presentada, publicará a **listaxe provisoria de solicitudes admitidas e excluídas**, sinalando os motivos da exclusión.

As persoas interesadas disporán de **tres días hábiles** contados a partir do día seguinte ao de publicación para emendar os erros e a falta de documentación. Para tal fin presentarán o formulario de alegacións na sede electrónica da Universidade dirixido á Unidade de Igualdade.

Unha vez revisadas as alegacións a selección será efectuada pola comisión de avaliación de acordo cos seguintes criterios:

Os criterios de avaliación son:

- Currículum vitae do/a investigador/a principal e do seu equipo con perspectiva de xénero, de ser o caso. (Max. 2 puntos)
- Achega innovadora para a provincia de Pontevedra (Max. 3 puntos)
- Achega de investigación en sociedade dixital con perspectiva e xénero ou feminista (Max. 3)
- Adecuación da planificación proposta ao orzamento solicitado (Max. 1 punto)
- Maior presenza numérica de mulleres ou paridade de xénero no equipo (Max. 1 punto)

A Comisión de avaliación esta composta por:

-Presidenta: María Belén Rubio Armesto. Vicerreitora de Investigación, ou persoa en quen delegue

-Vogais:

Lucía Muradas Arcay. Xefa do Servizo de Igualdade da Deputación de Pontevedra.

Águeda Gómez Suárez. Directora da Unidade de Igualdade da Universidade de Vigo

Ana Isabel Amoedo Garrido. Traballadora Social adscrita ó Servizo de Igualdade da Deputación de Pontevedra.

A Comisión poderá convocar con voz pero sen voto a outras persoas expertas que considere conveniente para a adecuada avaliación das solicitudes.

Unha vez efectuada a selección pola Comisión, a Unidade de Igualdade publicará a listaxe provisoria de persoas con axuda concedida, denegada, coa mención da causa da denegación e a listaxe de agarda para o caso de existir renuncias.

As persoas interesadas poderán presentar alegacións no prazo de tres días hábiles, contados dende o día seguinte á publicación nos rexistros da Universidade, dirixidos a Unidade de Igualdade.

Unha vez revisadas as alegacións pola Comisión de avaliación a Unidade de Igualdade enviaralle a proposta de resolución reitoral definitiva de persoas coa axuda de investigación concedida, denegada coas causas da denegación e a listaxe de agarda ao reitor para a súa publicación.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses a contar dende o día seguinte ao da súa publicación, de conformidade co disposto na *Lei 29/1998, do 13 de xullo, reguladora da xurisdición contencioso-administrativa*.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata ser resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

## **6. ACEPTACIÓN E RENUNCIA**

A renuncia á subvención farase por calquera medio que permita a súa constancia, de acordo co establecido no artigo 94 da Lei 39/2015, de 1 de outubro, do procedemento administrativo común das administracións públicas.

No caso de que se comunicase a renuncia, a Unidade de Igualdade ditará a correspondente resolución nos termos do artigo 21.1 da mesma Lei.

## **7. OBRIGAS:**

Son obrigas das persoas beneficiarias:

-Pertencer a algún dos campus situados na provincia de Pontevedra da nosa Universidade durante o período de execución do proxecto de investigación.

-Ser doutor/a e investigador/a principal (IP) do proxecto de investigación.

No prazo de un mes contados a partir de rematar o prazo de aplicación da subvención, o/a investigador/o principal do proxecto, deberá presentar á Unidade de Igualdade un informe final científico-técnico e unha memoria de gastos, segundo o formulario normalizado, no que se recollan todos os resultados do estudo realizado.

## **8. INCIDENCIAS**

O incumprimento dos compromisos adquiridos de acordo cos termos do proxecto presentado e as bases da presente convocatoria, a ocultación de datos, a súa alteración ou calquera manipulación da información solicitada poderá dar lugar á suspensión da axuda concedida e á reclamación das cantidades achegadas.

## **9. SEGUIMIENTO:**

A Comisión de avaliación da Cátedra de Feminismos 4.0 DEPO-UVIGO, poderá utilizar todos os procedementos que considere necesarios para seguir o desenvolvemento do proxecto e o investimento das cantidades achegadas.

## **10. PUBLICACIÓN DOS RESULTADOS:**

A publicación dos resultados realizarase de mutuo acordo entre as persoas autoras e a Cátedra de Feminismos 4.0 DEPO-UVIGO. No caso de facelos públicos, deberán facer constar a axuda recibida da Cátedra de Feminismos 4.0 DEPO-UVIGO como entidade financeira así como o número de referencia do proxecto financiado.

A Cátedra de Feminismos 4.0 DEPO-UVIGO non se fai responsable das opinións das persoas responsables dos proxectos de investigación financiados.



---

## ANEXO II

### SOLICITUDE DE AXUDAS INVESTIGACIÓN CÁTEDRA FEMINISMOS 4.0 DEPO-UVIGO

DENOMINACIÓN DO PROXECTO DE INVESTIGACIÓN:

PERSOA RESPONSABLE DO PROXECTO

SEXO

VINCULACIÓN COA UNIVERSIDADE DE VIGO

CATEGORÍA

CENTRO

CORREO ELECTRÓNICO

TELÉFONO

BREVE CURRÍCULO DA PERSOA RESPONSABLE DA SOLICITUDE:

*(Debe facerse referencia explícita a actividades relacionadas con temas de xénero. Non se admitirán currículos de máis de dúas follas)*

---

### ANEXO III

#### MEMORIA DE SOLICITUDE

##### I. DENOMINACIÓN DO PROXECTO DE INVESTIGACIÓN

##### II. DESCRICIÓN DO PROXECTO DE INVESTIGACIÓN A DESENVOLVER

Descrición do proxecto de investigación a desenvolver, obxectivos, metodoloxía e impacto da investigación na promoción da igualdade de xénero (máx. 4 follas).

##### III. FINANCIAMENTO EXTERNO COORDINADO

Dispón doutras axudas:

No caso de que conte con outras axudas:

Institución: Importe:

Institución Importe:

Custo total previsto para a realización do programa:

##### IV. ORZAMENTO PROPOSTO PARA O QUE SE SOLICITA AXUDA

Material funxible (15 %) Importe:

Outros gastos xustificados (85 %) Importe:

**TOTAL:** Importe

---

## ANEXO IV

### MEMORIA XUSTIFICATIVA

#### I. DENOMINACIÓN DO PROXECTO DE INVESTIGACIÓN

#### II. DESCRICIÓN DO PROGRAMA

Descrición do proxecto de investigación desenvolvido, obxectivos acadados e actuacións concretas levadas a cabo (máximo 4 follas).

#### III. NÚMERO DE INVESTIGADORAS/ES PARTICIPANTES

Mulleres:

Homes:

#### IV. FINANCIAMENTO EXTERNO COORDINADO

Dispón doutras axudas:

No caso de que conte con outras axudas:

Institución:

Importe:

Institución

Importe:

Custo total previsto para a realización do programa:

#### V. ORZAMENTO PROPOSTO PARA O QUE SE SOLICITA AXUDA

Material funxible (15 %)

Importe:

Outros gastos xustificados (85 %)

Importe:

TOTAL:

Importe

, de de 2023  
A/AS PERSOA/S  
RESPONSABLE/S

Asinado:

## ANEXO V

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento Xeral de Protección de Datos ou RXPD) e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de resolver a convocatoria de Investigación da Cátedra de Feminismos 4.0 DEPO-UVIGO e amparados pola Lei orgánica 2/2023, de 22 de marzo, do sistema universitario.

Coa súa participación nesta convocatoria as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza desta convocatoria. Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813 419 ou ao enderezo electrónico [igualdade@uvigo.gal](mailto:igualdade@uvigo.gal)

Estes datos trataranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Mediante o cumprimento do formulario de recollida de datos persoais, vostede consente expresamente o citado tratamento aos efectos de cumprir coa descrita finalidade do mesmo e terá o dereito a retirar o devandito consentimento en calquera momento, sen efectos retroactivos.

Vostede está obrigado a facilitar estes datos en virtude do especificado nos parágrafos anteriores e, en caso de non facelo, as consecuencias serán desestimación da súa solicitude.

Vostede ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento.

Tamén terá dereito a oporse ao devandito tratamento, así como a solicitar, salvo casos de interese público ou exercicio de poderes públicos, a portabilidade dos seus datos.

Devanditos dereitos poderá exercelos mediante solicitude dirixida ao reitor da Universidade de Vigo e presentada ante o rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario As Lagoas-Marcosende, 36310 Vigo (Pontevedra). Para mais información: <https://www.uvigo.gal/proteccion-datos>

Igualmente poderá dirixir a dita solicitude directamente á delegada ou delegado de protección de datos do responsable cuxa identidade e datos de contacto son Pintos & Salgado Abogados S.C.P., Avda. de Arteixo, 10 - 1º Esq., 15004 A Coruña (España), teléfono: 981 227 076, enderezo electrónico: [dpd@uvigo.gal](mailto:dpd@uvigo.gal)

Así mesmo, vostede ten dereito a presentar unha reclamación ante a Axencia Española de Protección de Datos (AEPD).